

Нилмджтăгъяр машид олзлхмн

(Сарпинск района куч-кӧлсчирин депутатирин Советин V-ч сессийӑс).

Ноябрьн 14-д болсн. куч-кӧлсчирин депутатирин Сарпинск района Советин 5-ч сессий, «Гигант» колхозд, Чапаевин пертӑ совхозд болн яврин-техническ станци техник ягдаж олзлгддяхин тускар. «Гигант» колхозин ахлагч ӱр Ф. М. Жуковин, Чапаевин пертӑ совхозин директор ӱр П. Н. Трофимовин болн РТС-н директор ӱр Н. Ф. Ромашенкин докладс сонъсн.

Сессий, «МТС-н бӱрдӑмджиг оньг-даруалгъна болн колхозмудиг цааранднь батруалгъна тускар» гарсн законна хӧбн, района колхозмудар болн совхозмудар маши олзлгдгнь ясрад, ясвр келгънь джилнн туршарт сӑйрв, — гидж темдглв.

Болн «Гигант» колхозд трактормуд индиӑкӑр болхла, муугъар олзлгдв: давсн 9 сард нег трактор (15 мӧрийӑ чидлӑр) 472 гектар джӧблн газр хагълв, аннь индиӑкӑс 280 гектар багъ болн. Чапаевин пертӑ совхозд нег трактор 176,6 гектар джӧблн газр хагълв.

Сарпинск ясврн-техническ станцин автомашид зӧблгнӑ зурагъан кӱчӑсн уга. III-ч кварталд эн станци 520 миньгън арслнъга гарула харгъв. Давсн 10 сард 116 трактор ясхин ормд 38 трактор ясв.

Района трактормуд, тер дотр Чапаевин пертӑ совхозд, сӑӑнӑр олзлгддяхш гидж сессий темдглв. Трактористнр цӧн болад, машид нег селгӑнд кӧдлнӑ, зӑрмнь кесгӑн йовулдг кӱн уга болад зогсна. Техническ хӑлӑвр тату болад, трактормуд болзгасн эрт хамхрна. Нигӑд килмдж угагъар олзлгдсн учр деерӑс, эн совхозд 28-ч номертӑ «ДТ—54», 45-ч номертӑ «Беларусь» трактормуд газа зеврӑд зогса бӑӑдж, ӑнъгснь неджӑдӑр гедрӑд чилджӑнӑ. Эн совхозд авч ирсн шин электростанци 2—3 джилдӑн олзлгдл уга зогсата. Килмдж угагъар маши олзлггън бас «Гигант» колхозд бӑӑнӑ. Одахн ясврас гарсн 13-ч номертӑ трактор, хӑлӑвр му болад, дарунь хамхрдж одв. Укрсаадг 4 агрегат ода кӱртл склادت кевтӑ. Колхозин 2-ч бригадт комбай-

нсь намра кӧдлмш тӧгсснӑ хӧбн арчгдл уга, газа зогсата.

Ясврн-техническ станци газр малтдг машид муугъар олзлад, тегӑд чигн газр малтлгъна кӧдлмшӑн 69 процент кӱчӑв, — гидж сессий темдглв. Станци ут-турштан 400 трактор бӑӑнӑ. Ясврн-техническ станци кертӑ-кертг угагъинь хӑлӑл уга, шин машинд авч ирдг учр деерӑс, ода эн станци 1 сӑй 881 миньгън арслнъга машид болн машинӑ ӑнъгс кевтнӑ. Ясврн-техническ станци эн джилн май сарас авн ноябрь сар кӱртл 103 кӱн кӧдлмшӑс сулдхгддг гарад, медрлтӑ ясачнр ӱлдсн уга. Эн буру йовдлас кӧлтӑ шофермӱд уга болад, 28 автомашин зогсджана.

«Гигант» колхозин правлень, Чапаевин пертӑ совхозин болн Сарпинск ясврн-техническ станцин директор, селӑнӑ эдл-ахун кӧдлмшт техник олзлггъна гардвр ӧгч, сӑӑнӑр шӱӱдж хӑлӑхш, — гидж сессий темдглв. Ясврн-техническ станци техническ дӧнъ багъар ӧгнӑ, ясвр кех машиндиг ӑнъгсӑр кӱчцднь теткхш, Эн предприятисн гардачнр, кӧдлӑчрин медрлинъ бӧдлӱллгънд оньган ӧгхш. Тегӑд чигн, медрл тату болад, олн кӱн сольгдад, машинднь болзгасн эрт хамхрад, кӧдлмшнь сӑӑнӑр кегддж йовхш гидж сессий илдкв.

Сессийд ясврн-техническ станцин инженер ӱр Цыбанов, района Советин депутат М. С. Абушинова, «Сарпинский» совхозин механик А. Д. Мамонтов, «Красносельский», совхозин ах инженер В. М. Шараев, селӑнӑ инспекцин инженер С. Я. Никитенко, ясврн-техническ станцин директорин дарук Д. В. Литвак болн нань чигн кесг улс ӱг авч дутугъан чиклх болад, нег-негндӑн сӱв-селвг ӧгч келцхӑв.

Декабрь сард болх КПСС-н ЦК-н Пленумиг тосдж, дуту-дундан чиклдж, кӧдлмшӑн ясх, машиндӑн килмджтӑгъяр олзлх болдж шиндвр сессийд авгдв.

Н. ТИМАШОВ.

М. РУСАНОВ.